



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Tribunal Poenitentiæ Sev Libri Dvo Prior De Poenitente Ut  
Reo Posterior De Confessario Ut Judice**

**Stoz, Matthäus**

**Anno M.DC.LXXXIX.**

Art. 7. Praxis confessionis rectè & breviter instituendæ.

**urn:nbn:de:hbz:466:1-37144**

obligatio frustranea esset, si in pœnitente non responderet reciproca obligatio pœnitentiam injunctam acceptandi; tum quia Confessarius est verus & legitimus pœnitentis judex, ergo potest pœnitentem in suo foro ad parendum æqua sententiæ constringere.

92. Dixi autem I. *Sif sit rationabilis*, & peccatorum gravitati, & peccatoris ipsius viribus, ac temporum consuetudini accommodata; qualis semper præsumitur, nisi contrarium constet, vel saltem probabili iudicio alicujus viri docti censeatur. Irrationabilem verò, & nimis difficultem, nec acceptare tenetur pœnitens; nec, si acceptavit, implere, necejus commutationem petere, quia acceptatio non inducit obligationem. Laym. l. 5. tr. 6. c. 15. n. 6. Coninch. n. 80. Idem est, si pœnitentia initio rationabilis, successu temporis nimis difficultis evadat ob mutatas circumstantias, quamdiu quidem ea difficultas perseverat. Siverò excessus non sit in specie aut qualitate operis, sed in numero & quantitate divisibili, ut precum, jejuniorum &c. ea pars erit implenda, quæ intra mensuram constititerit.

93. Dixi II. *Si velit absolvī*: quia pœnitentia sub conditione securitæ absolutionis imponitur. Si ergo malit pœnitens sine absolutione recedere, quam pœnitentiam acceptare, non obligabitur: peccabit tamen venialiter, Sacramentum jam inchoatum temerè abrumpendo. Coninch. n. 80. Suar. D. 38. f. 7. n. 4. Fagund. l. 9. c. 3. n. 18. qui tamen cap. 4. n. 4. adit, si, quacunque ex causa, invalida fuerit absolution, nullam inde oriri imposita pœnitentia obligationem. Monet tamen Suar. l. c. Sacerdotem recte facturum, si

pœnitentis fragilitati non nihil indulget, & leviorem imponat pœnitentiam, si graviorem acceptare detrectet.

94. Ceterum procedit hæc sententia etiam tunc, quando pœnitens confiterut peccata mere venialia; aut mortalia quidem, à quibus tamen jam antè dñe dñe fuit absolutus: quia etiam in hoc casu Sacerdos habet vetam potestatem jungendi pœnitentiam Sacramentalem, & consequenter etiam obligandi pœnitentem ad eam acceptandam. Coninch. n. 81. Henrig. l. 5. c. 20. n. 3. & aliqui alii. Reliqua, quæ de pœnitentia Sacramentali dicenda supersunt, comodius infra dicentur p. 4. Interim subjungamus praxin ipsam Confessionis recte breviterque instituendæ.

### ARTICULUS VII.

*Praxis Confessionis recte & breviter instituendæ.*

95. Conscientiâ diligenter discussâ, peccatisque in ordinem, prout Sacerdoti exponere volueris, redactis, ad Confessionalem sedem te conferes; in eam tamen non statim, tanquam ex itinere in hospitium irrumpes: ad modestiam te potius compones, animum colliges, & quid adulterus sis, considerabis, exspectabisque modestè, dum commoda ingrediendi occasio sit; nimis enig inurbanum, rusticum & indecens est, importunè cum magna circumstantium molestia, & fortè etiam scandalo ingressum urgere, tanquam de palmâ, aut bravio res agatur.

96. Cum verò pœnitens locum Confessionis jam fuerit ingressus, supplex ad pedes

pedes Sacerdotis accidat, & utroque genu flexo, capite nudo, junctis manibus, & facie ad latus Confessarii versâ sponte suâ circa ullam aliam admonitionem negotium ipsum, quod molitur, aggrediatur, & signo crucis se munit dicens: *In nomine Patris & Filii & Spiritus sancti: sic munitus bene sibi precari poscat his verbis: Benedic Reverende Pater.* Mox subjungat generalem Confessionem: *Confiteor DEO omnipotenti, B. MARIE semper Virgini, omnibus sanctis, & tibi Pater, quia peccavi nimis cogitatione, verbo & opere.* Quo facto Confessionis opus prosequatur, & porrò dicat: *ab ultima mea Confessione abierunt octo, decem, aut quatuordecim dies: pœnitentiam injunctam implevi: vel, si non implevit, dicat: Pœnitentiam mihi injunctam, quæ parva erat (vel magna) omisi:* vel si tardus fuit in ea implenda, dicat: *Pœnitentiam injunctam tardius, quam oportebat, implevi: & ex eo tempore iterum peccavi.* His dictis subjungat peccata eo fere modo, quo sequenti syllabo describuntur: prius tamen quam ad eum predigiar, breviter notandum censui,

97. I. Eum, qui pœnitentia sibi injunctæ oblitus est, non teneri eadem peccata secundò confiteri, ut novam accipiat pœnitentiam, modò de peccato hoc, quod sane committit, si ea oblivio suâ culpa ob nimiam in peragenda ea pœnitentia negligentiam contingat, accuset, ad quod etiam obligatur, si culpa sit gravis. Coninch. D. 10. d. 9. n. 86. & ali.

98. II. Si Confessarius nullum tempus præscribat, peragendam esse pœnitentiam prima commoditate, nec differendam diu; alioqui peccatum erit majus vel minus, prout major vel minor fuerit mora;

quanta autem sufficiat ad constituendum peccatum mortale, non est facile definire. Diana 2. p. tr. 15. R. 53. & p. 9. tr. 6. R. 57. *in fine*, & p. 10. tr. 12. R. 42. putat sufficere, si intra annum impleatur: sed hoc videtur nimis laxum. Existimem, descendunt sufficere, præsertim si pœnitentia sit gravis, & injuncta ad pœnitenti ad officium boni Christiani reducendum.

99. III. Pœnitentiam, si certum praecius impletione tempus statuatur, adhuc implendam esse, et si intra terminum illum præfixum non sit impleta: quia mens Confessariorum non est, terminum illum præscribere ad obligationem illam finiendo, sed solum ulterius non differendam. Coninch. n. 83. ubi addit (id quod etiam Suar. D. 38. f. 7. n. 6. Joannes Sancius in select. D. 13. n. 9. probat) tempus nempe præscriptum mutare, differendo non nihil impletionem pœnitentiae, non esse peccatum grave; modò ea dilatio non sit nimia, ut paulo antè dixi. Quod si tamen Confessarius tempus, ut ex justa causa potest, & ex circumstantiis est colligere, omnino determinet ad finiendam pœnitentiae implendæ obligationem, eo præterlapso etiam ipsa obligatio cessabit: quod fieri credendum est, cum Confessarius injungit pœnitenti, ut quovis die dominico duo audiat Sacra, singulis festis Christi aut B. Virginis confiteatur, aut in eorum vigiliis, aut singulis diebus sabbati per annum jejunet &c. ex hoc enim modo imponendi pœnitentiam facta colligitur, Confessarium non voluisse adstringere pœnitenter ad supplendum defectum, si forte tali die neglexisset pœnitentiam; id enim nimis grave futurum esset: nam si nullo

nullo unquam per annum sabbato jejunâſſet, deberet clapsō anno quinquaginta dies continuos, vel paulisper interpolatos jejunare &c. Coninch. n. 85. Sed ob hunc defectum utique à peccato gravi non est excusandus, de quo proinde se acūſare debet.

### QUÆSTIO III.

#### *Syllabus peccatorum.*

100. **Q**uoniam peccata omnia committuntur vel I. corde, vel II. ore, vel III. opere, visum est, idque non sine exemplo aliorum, fore non incongruum, hoc ipso ordine describere ea peccata, que magis sunt obvia, & simul etiam (quod haec tenus neminem, qui simile argumentum pertractavit, fecisse arbitror) breviter eorundem naturam & gravitatem declarare, ut, quo modo in Confessione sint exponenda, innotescat.

### ARTICULUS I.

#### *Peccata cordis.*

101. Hoc nomine intelliguntur peccata merè interna, & cordis appellantur, quia in corde, seu intellectu & voluntate perficiuntur & consummuntur, sùmque omnia contra DEUM, vel proximum, vel contra ipsum sumter peccantem.

#### §. I.

#### *Peccata cordis contra DEUM.*

102. *Sub Missa sacrificio* (Communione, Rosario, & consuetis aliis precibus) *fui voluntariè distractus, quater:* vel breviter: *Sub rebus divinis voluntariè distractus,*

*fui, quater.* Quod si autem sacrum die festo fuerit audiendum, & per notabilem ejus partem evagationes mentis ad aliena voluntariè sint admisæ, sic dicat: *Per notabilem sacri partem die festo voluntariè fui distractus.* Quæ sit notabilis pars facit, constabit ex dicendis *infra* n. 247. Voluntariè autem distractus est, qui advertentesse distrahi, tamen vel omnino non, vel negligenter curat attentionem praestare. Achuc tamen satisfacit Ecclesiastico præcepto de Missa audienda, si de distractionibus merè internis sit sermo; nam si de externis loquamur, peccat graviter, & præceptum non implet.

103. *Sub horis canonicas persolvendis longas & voluntarias distractiones admiser.* Sunt autem distractiones aliae mere interne, dum nimis lola mente longè ad alia, quam ad DEUM aut res divinas inter orandum attendimus, sed per varia objecta, v. g. quæstiones Theologicas vel Philosophicas discutiendas, varia negotia aut rem domesticam tractandam, & ordinandam, statum politicum &c. per vagatur: aliae vero externe, sitæ in actionibus externis, quæ ex se ad mentem ita ad se rapiendam natæ sunt, ut internam attentionem omnino impediunt & excludant, quales sunt confabulationes, risus, lectio rerum, seu profanarum seu sacrarum; item si quis pingat, scribat &c. Ceterum sunt, qui dicunt, illum, qui etiam cum merè internis mentis ad aliena evagationibus horas canonicas absolvit, præcepto non satisfacere. Ita sentiunt Palauus D. 2. p. 3. n. 11. Laym. l. 4. tr. 1. c. 5. n. 10. Less. de just. l. 2. c. 37. d. 10. n. 64. Fill. tr. 23. c. 8. n. 255. Bonac. de horis canon. D. 1. q. 3. p. 2. §. 2.